



# ORASHON PRÁKTIKO

Lès 7 pa Mei 16, 2026

---

“ Konfia den djE na  
tur tempu, boso O  
pueblo; drama boso  
kurason Su dilanti;  
Dios ta un refugio pa  
nos”

( Salmo 62:8, NKJV)


---



Pablo ta spierta nos pa sigui “ hasi orashon semper ” (Efe. 6:18), asta si nos mundu kai na pida pida; asta si tempu ta pasa i nos no ta mira un kontesta na nos orashonnan.

Den sirkumstansianan manera esakinan, e orashonnan di Elias i Ana lo yuda i enkurashá nos.

Pero kon nos mester hasi orashon? Pa kiko nos mester pidi? Nos mester resa nos so òf ku otronan? Orashon solamente ta permití nos pa papia ku Dios, òf e ta permití nos tambe pa skucha na djE?



- **Orashonnan den tempunan difisil:**
  - ▶ **Elias:** Orashon meimei di krisis
  - ▶ **Ana:** Un kontesta ku nunca ta bini
- **Orashonnan di modèl :**
  - ▶ **Hesus:** E kontenido di orashon
  - ▶ **Daniel:** E struktura di orashon
- **Kuater pregunta tokante di orashon**



# ORASHONNAN DEN TEMPU DIFISIL


# ELIAS: ORASHON MEIMEI DI KRISIS

“ El a respondé, ‘Mi tabata masha zeloso pa Señor Dios Todopoderoso. E Israelitanan a rechasá Bo aliansa, a basha Bo altarnan abou, i a mata Bo profetanan ku e spada. Ami so a keda, i awor nan ta purbando pa mata ami tambe.’ ” (1 Reinan 19:10)



**Kon Dios ta kontestá nos orashonnan meimei di krisis?**

Despues di un simpel orashon for di Elias, Dios inmediatamente a respondé ku kandela (1 Reinan 18:36-38). Despues di shete orashon pidiendo pa awaseru, Dios a manda un nubia chikitu ku a kambia den un maltempu podeoso (1 Reinan 18:42-45).



Ora ku Elias a pidi pa é muri, Dios a keda ketu, pero a manda Su angel pa aliment'é (1 Reinan 19:4-8).

Deskurashá den un kueba, Elias finalmente a tende e bos di Dios kontestando su orashon desesperá (1Reinan 19:9-18).

Un kontesta tabata inmediato i milagroso. Un otro, despues di shete periodo di orashon, a manda e awaseru pidí. Finalmente, despues di 40 dia, un respuesta verbal i ku ta enkurashá. Dios sa kon i ki ora pa kontestá den kada un di nos situashonnan.



# ANA: UN KONTESTA KU NUNKA TA BINI

**“ Pa e mucha aki mi a hasi orashon, i Señor a dunami loke mi a pidi di djE.” (1 Samuel 1:27)**

Ana su orashon pa un yiu ta parse di ta un orahon kontestá rápidamente dor di Dios ( despues di nueve luna di sperando kontentu, naturalmente) (1 Sam. 1:9-20).



Sinembargo, ora ku nos lesa e vèrsnan previo, nos ta opservá ku e kontesta aki a tuma un tempu hopi largu pa yega (1 Sam. 1:1-8).

Penina, Elkana su otro esposa, tabatin “ yiunan ”— esei ta, mas ku un yiu hòmber — i “ aña tras aña ” é tabata iritá Ana pasombra Dios no a dun’é yiunan.




For di e punto di bista aki, kuantu aña Ana a pasa pidiendo pa un yiu sin haña un kontesta?

Algun bes, Dios Su silencio lo por ta debí na nos egoísmo ( Santiago 4:3); un piká apresιά ( Salmo 66:18); falta di fe ( Santiago 1:6); òf , simplemente, no ta e tempu korekto. Den tur forma, Dios ta mira e potrèt kompleto i sabi loke ta mihó pa nos (Jeremias 29:11). Semper E lo kontestá, na Su propio tempu i na Su propio manera, e orashon ofresé ku fe (1 Juan 5:14-15).



# ORASHONNAN DI MODÈL



# HESUS: E KONTENIDO DI ORASHON

“ Asin'aki, anto, ta kon bo mester hasi orashon: ' Nos Tat ku ta den shelu, santifiká ta Bo nòmber' ”  
(Mateo 6:9)



Hasiendo orashonnan largu i elaborá pa impreshoná i wòrdu alabá dor di skuchadónan no ta e estilo di orashon ku Hesus a siña nos (Mat. 6:5-8).

Nos orashonnan mester ta sinsero i simpel, den idioma di tur dia. Orashon ta un parti vital di nos bida.



“ Siña pa resa kòrtiku i stret na e punto, pidiendo pa nèt loke bo tin mester. Siña pa hasi orashon ku tono haltu kaminda solamente Dios por tende bo. No hasi(ofresé) orashonnan fingí, pero petishonnan sinsero, ku sintimentu, ekspresando e hamber di e alma pa e Pan di Bida ” (E. G. W. “Our high Calling” May 4)





# HESUS: E KONTENIDO DI ORASHON



Esaki ta e modèl di orashon ku Hesus a duna nos:

**“ Nos Tata ku ta na shelu ”**

**Nos mester rekonosé nos relashon personal ku e Tata di tur sernan humano**

**“ Santifiká sea Bo number ”**

**Rekonosiendo Dios Su santidat ta hala nos mas serka di djE ku reverensia i rèspèt**

**“ Bo reino ta bini ”**

**Laga nos anhela pa e regreso di Hesus**

**“ Bo boluntat sosodé, na tera meskos ku den shelu ”**

**Laga nos aseptá soberania divino i pidi ku Dios Su boluntat wòrdu hasí den nos bida i den e mundu**

**“ Duna nos awe nos pan di kada dia ”**

**Laga nos pidi pa loke nos tin mester pa biba, tantu físikamente komo spiritualmente**

**“ Y pordoná nos nos debenan, meskos ku nos tambe a pordoná nos debedónan ”**

**Nos mester repentí, buska pordon, i pordoná esnan ku a hasi nos doló, meskos ku Dios ta pordoná nos**

**“ Y no hiba nos den tentashon, pero libra nos for di maldat ”**

**Laga nos pidi pa protekshon i refugio kontra di e maldat presente den e mundu aki**

**“ Pasombra di Bo ta e reino, i e poder, i e gloria, pa semper. Amèn ”**

**Laga nos rekonosé ku tur loke nos ta, ta poseé, i ta hasi, ta pertenesé na Dios. E so ta meresé gloria i alabansa**

# DANIEL: E STRUKTURA DI ORASHON

“ Asina mi a bira na Señor Dios i a roga kunE den orashon i petishon, den yunamentu, i den paña-di-saku i shinishi ”  
(Daniel 9:3)

E orashon registrá den Daniel 9:4-19 ta presentá nos ku e kuater partinan fundamental di orashon:

Alabansa (Dan. 9:4)

Petishonnan (Dan. 9:16-19)


Konfeshon i pordon (Dan. 9:5-15)

Gradisimentu (Fil. 4:6)

Daniel a wòrdu interumpí dor di Gabriel promé ku é por a terminá su orashon ( gradisimentu ).

E patronchi aki ta apliká na tantu nos orashonnan privá komo públiko. Opviamente, e sekshon riba “ konfeshon i pordon ” lo mester wòrdu adaptá na e koneksto di orashon.

E struktura aki ta yuda nos pa enfoká orashon riba Dios, preveniendo esaki di bira un tipo di “ lista di kompras ” for di e depósito divino.





# KUATER PREGUNTA TOKANTE DI ORASHON

## Pakiko nos mester resa si Dios ya kaba sa tur kos?

Orashon ta elevá nos na e trono di Dios i ta obligá nos pa eksaminá nos mes i pensa di nobo nos relashon kunE tur dia.

Asta si nos no sa kiko pa bisa, e Spiritu Santu ta yuda nos (Rom. 8:26).



## Pakiko hasi orashon ora ku tur kos ta bon?

Angelnan kende no a peka ta adorá Dios kontinuamente. Kuantu mas nos mester hasié?

Pensando ku nos no tin mester di Dios pasombra tur kos ta baiendo bon pa nos ta ser orguyoso.



## Ku ken mi mester hasi orashon?

Dependiendo riba e momentu:

1. Den soledat. Esei ta ora ku nos orashon ta bira mas íntimo.
2. Ku famia òf den gruponan chikitu.
3. Den e iglesia.



## Kon mi mester skucha?

E manera di mas kla i di mas seif pa hasi esaki ta pa kombiná orashon ku estudio di Beibel komo parti di nos devoshon personal, evitando di hasi nos mente bashí òf djies skuchando na nos mes.



**“ Un sentido profundo di nos nesesidat i un gran deseo pa e kosnan pa kual nos ta pidi mester karakterisá nos orashonnan, òf nan lo no wòrdu tendé. Pero nos no mester bira kansá i stòp(para) nos petishonnan pasombra e kontesta no a wòrdu risibí inmediatamente. “ E reino di shelu ta sufri violensia, i e hendenan violento ta gar'é dor di forza” (Mateo 11:12). E violensia nifiká aki ta un sinseridat santu, manera Jakòb a manifestá. Nos no mester purba pa stimulá nos mes den un sintimentu intenso, pero kalmo, persistentemente, nos mester fòrsa nos petishonnan na e trono di gracia. Nos trabou ta pa humiyá nos almanan dilanti di Dios, konfesando nos pikánan, i den fe halando serka na Dios.”**